

## "UDALEKUAK 2019" RAKO BEGIRALEEN IZEN-EMATEA

Pasaia Udalaren Gazteria Departamentuak uztaierako antolatu dituen **"Udalekuak"** egitarauan begirale izan nahi duenari jakinarazten dio **izena emateko epea apirilaren 29an hasi, eta maiatzaren 8an amaitzen dela.**

Era berean, jakinarazi nahi du hautaketa-prozesu honen ondorioz sortuko den zerrenda beste egitarau edo behar batzuetarako erabili ahal izango duela.

2019ko udalekuetarako **izen-ematea** **iaz indarrean jarritako sistemaren bitartez** egingo da: <http://lanpoltsa.urtxintxa.eus> estekaren bidez egin beharko da. Horretarako bi pauso jarraitu behar dira:

1.- Aipatutako estekan sartuta, erabiltzaile berri bat sortu eta lan poltsan eskatzen diren atalak bete (erabiltzailea eta pasahitza gogoan izan beharko dira, geroago moldaketak egin nahi badira).

2.- Lan poltsa horretako lan eskaintzetan Pasaia Udaleku Irekietan lan egiteko hautua egin.

\* Pertsonaren batek aurrez Urtxintxako lan poltsan izena emana badu, berri nahi dituen atalak osatu besterik ez du (aurrez jarriak daudenak egokiak direla konfirmatzearekin batera).

Informazio gehiagorako <http://www.urtxintxa.eus/zerbitzu-orrialdeak/pasaia-udaleku-irekiak-2019/> bisitatu.

Udalekuetan onartua izateko eta hautaketa prozesuan **parte hartzeko baldintzak** hauek izango dira:

- 18 urte izatea.
- Euskara jakitea (dagokion lan poltsako atalean EGA edo baliokidea aurkeztuz. Hala egiten ez duenak hautaketa prozesuko talde elkarrizketa bidez frogatu beharko du).

- **Formazioa eta lan esperientziaren balorazioa:**

- Aisialdiko begirale agiria EHn (3 puntu)
- Aisialdiko begirale ikastaroaren atal teorikoa EHn (1,5 puntu)
- Aisialdiko begirale agiria EHTik kanpo (1,5 puntu)
- Aisialdiko begirale ikastaroko atal teorikoa EHTik kanpo (0,75 puntu)
- Aisialdiko zuzendari agiria EHn (1,5 puntu)
- Aisialdiko zuzendari ikastaroaren atal teorikoa EHn (0,75 puntu)
- Aisialdiko zuzendari agiria EHTik kanpo (0,75 puntu)
- Aisialdiko zuzendari ikastaroaren atal teorikoa EHTik kanpo (0,37 puntu)
- Heziketarekin harremana duten Unibertsitate ikasketak amaiturik izatea (haur hezkuntza, lehen hezkuntza, gizarte hezkuntza, pedagogia, soziologia ... graduak) (2 puntu)
- Heziketarekin harremana duten Lanbide Heziketako ikasketak amaiturik izatea (haur hezkuntzako goi mailako teknikaria, gizarteratzeko goi mailako teknikaria ...) (1 puntu)
- Heziketarekin zer ikusia duten LHko edo Unibertsitateko ikasketak egiten (0,25 puntu)
  - \* Azken hiru arlo hauek batuta gehienez 4 puntu
- Udaleku itxietan: 10 egun edo gehiago 0,75 puntu bakoitzak  
10 egun baina gutxiago 0,50 puntu bakoitzak

- Udaleku irekietan: 10 egun edo gehiago 0,50 puntu bakoitzak  
10 egun baina gutxiago 0,25 puntu bakoitzak  
\*Azken bi arlo hauek batuta gehienez 4 puntu
- Aisialdiko talderen bateko partaide izatea (puntu 1)
- Aisialdiko egitasmoetan ikasturtea egin izana (puntu 1)
- \* Aisialdiko taldeko partaide edo/eta aisialdiko egitasmoan parte hartzea Pasaian bada (puntu 1)

Merituak kontuan hartu ahal izateko, derrigorrez dagozkien ziurtagirien bitartez frogatu behar dira; ez du balio aurreko urteetan aurkeztu izanak. Horretarako, lan poltsari dagokion atalean beharrezko ziurtagiriak atxiki beharko dira.

#### - Elkarrizketa-talde dinamika:

Iraupena: 45 minutu  
Formatua: taldeka

#### Edukiak:

- Parte-hartzaile bakoitzak bere aurkezpena egingo du.
- Esperientziak eta bizipenak konpartitzeko tartea: udalekuetan izandako esperientzien inguruan, egin beharrekoak, motibazioa, kezkak, zailtasunak...
- Taldekoen artean ekintza bat antolatu eta planteatuko den egoera bati irteera eman.

#### Baloratuko diren aldagaiak:

- Parte-hartzea
- Giza trebetasunak
- Talde lanerako gaitasuna
- Euskara maila
- Diskurtsoa

Begiraleentzako **hautaketa** Trintxerpeko Udal Euskaltegian izango da (Euskadi etorbidea, 61), **maiatzaren 10ean, ostirala, 16:00etan hasita (talde bat baino gehiago egoteko aukera dagoenez, hitzordu ezberdinak emango dira).**

Hautagai asko baleude, eta antolakuntza arrazoiengatik beharrezkoa balitz, 11n (larunbat goizean) jarraipena izango luke.

Hautatuek oinarrizko **prestakuntza-ikastaro** batean hartu beharko dute parte: udalekuetarako beharrezkoak izango dituzten programazio ereduez, metodo pedagogikoez, eta beste hainbat gairi buruz arituko dira, eta programazioa prestatuko dute. **Nahitaezkoa** izango da ikastaroan parte hartzea Udalekuetan lan egiteko. Ikastaroa **Arrokaundietako gazte aterpean egingo da ekainaren 7an eta 8an**. Ostiralean 17:00etatik 21:00etara, afaria eta bertan lo egin, larunbatean 9:30etik 14:00etara, bazkaria eta 15:30etik 19:30era.

Interesatuta baldin bazaude, <http://lanpoltsa.urtxintxa.eus> estekara jo ezazu apirilaren 29tik maiatzaren 8a bitarte. Informazio gehiagorako Pasaiaiko Herritarren Arreta Zerbitzura edo Urtxintxako bulegora gerturatu, edo deitu astelehenetik ostiralera, 8:00etatik 14:00etara

Informazio gehiago: HAZeko bulegoak: 943-344034- [pasaia@pasaia.net](mailto:pasaia@pasaia.net) - [www.pasaia.net](http://www.pasaia.net)  
Urtxintxa: 943-270033 - [aterpeak@urtxintxa.eus](mailto:aterpeak@urtxintxa.eus) - [www.urtxintxa.eus](http://www.urtxintxa.eus)

GAZTERIA DEPARTAMENTUA

PASAIKO UDALA